

## Umsögn um Frumvarp til laga um sviðslistir

Pingskjal 1261 – 800. mál

Sendandi: Reykjavík Dance Festival

Reykjavík 3. maí 2019

### Almennt um lagafrumvarpið

Það eru gleðitíðindi að ný sviðslistalög nái yfir starfsemi Íslenska dansflokksins og staða dansflokksins þannig betur tryggð til framtíðar. Af lögunum er ljóst að lítið er svo á að Íslenski dansflokkurinn sé að flestu leiti sambærileg stofnun við Þjóðleikhúsið, þar sem önnur stofnunin sinnir fyrst og fremst danslist en hin leiklist. Vonandi verður þessi lagabreyting til þess að Íslenska dansflokknum verði sem fyrst búin viðunandi vinnuaðstaða og eru þar húsnæðismálin brýnasta úrlausnarefnið.

Regluleg endurnýjun er góð fyrir menningarstofnanir og því er æskilegt að forstjórar menningarstofnana sitji ekki lengur en tvö kjörtímabil. Í 4. grein þarf að kveða skýrar á um þennan skilning.

Í 17. grein frumvarps að sviðslistalögum er fjallað um sviðslistasjóð og ýmsar breytingar gerðar frá núverandi starfsemi sjóðsins. Frumvarpið gerir ráð fyrir að setja í einn sjóð fjárveitingar til atvinnufólks og áhugafólks í sviðslistum. Gjörólíkar forsendur eru fyrir úthlutun til atvinnufólks og áhugafólks í sviðslistum. Þegar atvinnufólk á í hlut er lítið til faglegra gæða verkefnisins og framþróunar í sviðslistum. Við úthlutanir til áhugahópa eru önnur sjónarmið eins og að halda uppi menningarstarfsemi um land allt og möguleikar almennings til þátttöku ekki síður mikilvæg. Því er lagst gegn því að færa úthlutun til atvinnufólks og áhugafólks í sviðslistum undir einn hatt.

Orðalag 17. greinar frumvarps til sviðslistalaga er með þeim hætti að margvísleg sviðslistastarfsemi getur fallið undir starfssvið sjóðsins, þ m t hátíðir. Miðað við þær upphæðir sem hingað til hafa verið til úthlutunar úr sviðslistasjóði er lítið svigrúm til að fjölga styrkþegum. Hins vegar væri mikilvægt að skoða ef sjóðurinn stækkar, möguleikann á að skapa sérstakan hátíðarsjóð, sem hátíðir gætu sótt um með það að markmiði að stuðla að framþróun og nýsköpun innan greinarinnar.

Það er afar mikilvægt skref í rétta átt að í nýju sviðslistalögunum eru lögð drög að stofnun Kynningarmiðstöðvar sviðslista. Mikil þörf er á slíkri miðstöð og mörg alþjóðleg tækifæri í sviðslistum tekst ekki að nýta í dag vegna skorts á stuðningi við kynningarstarf og útrás sviðslista. Vonandi verður fljótt tekin formleg ákvörðun um stofnun Kynningarmiðstöðvar sviðslista og miðstöðinni veitt aðstaða og fjármagn til að geta sinnt sínu hlutverki af reisu, sviðslistum á Íslandi til hagsbóta.

Einnig er mikilvægt að minnst á að hvergi er minnst á sviðslistahátíðir í sviðslistalögum og væri mikilvægt að vinna að því að skapa traustari grundvöll fyrir starfsemi þeirra innan sviðslistalaga.

## Breytingartillögur

II. og III. kafli, samræming á orðalagi.

Tillaga að breytingu á 4. grein til samræmis við 11. grein þar sem kveðið er á um ráðningartíma listræns stjórnanda. Viðbót í texta er **feitlettruð**. 4. grein verði svohljóðandi:

### **4. grein. Þjóðleikhússtjóri**

Ráðherra skipar þjóðleikhússtjóra til fimm ára í senn að fenginni umsögn þjóðleikhúsráðs. Þjóðleikhússtjóri skal hafa háskólamenntun í listum eða sambærilega menntun og staðgóða reynslu og þekkingu í sviðslistum og starfssviði leikhúss. **Endurnýja má skipun þjóðleikhússtjóra einu sinni til næstu fimm ára.** Auglýsa skal embættið laust til umsóknar í lok hvers skipunartímabils.

Þjóðleikhússtjóri stýrir starfsemi og rekstri þjóðleikhússins og markar listræna stefnu þess. Hann ræður starfsmenn leikhússins og er í fyrirsvari fyrir það.

IV. kafli

Tillaga að breytingu á 17. grein um sviðslistasjóð. Úrfelling á texta er **yfirstrikuð**. Viðbót í texta er **feitlettruð**. 17. grein verði svohljóðandi:

### **17. grein. Sviðslistasjóður**

Hlutverk sviðslistasjóðs er að **efla starfsemi atvinnuhópa og einstaklinga í íslenskum sviðslistum.** Íslenskar sviðslistir og kosta önnur verkefni sem falla undir hlutverk og starfsemi á sviði sviðslista. ~~Sjóðurinn skiptist í tvær deildir, deild atvinnuhópa og deild áhugahópa í sviðslistum.~~ Sviðslistaráð gerir tillögur til ráðherra um stefnu og helstu áherslur í starfi sjóðsins til þriggja ára. Ráðherra setur sviðslistasjóði reglur um auglýsingar meðferð umsókna og afgreiðslu þeirra. Við mat á umsóknum úr sviðslistasjóði er sviðslistaráði heimilt að leita umsagnar fagaðila. Þóknun fulltrúa í sviðslistaráði og annar kostnaður af starfsemi ráðsins greiðist úr sviðslistasjóði. Ákvarðanir sviðslistaráðs eru endanlegar á stjórnsýslustigi og sæta ekki kærur til ráðherra.

Tillaga að breytingu á 18. grein um Kynningarmiðstöð sviðslista. Úrfelling á texta er **yfirstrikuð**. Viðbót í texta er **feitlettruð**. 18. grein verði svohljóðandi:

### **18. grein. Kynningarmiðstöð sviðslista**

Ráðherra ~~hefur heimild til~~ **skal** fela þar til bærur aðila að kynna íslenskar sviðslistir hér á landi og erlendis og efla alþjóðlegt samstarf íslenskra sviðslistamanna og stofnana.

Ekki eru gerðar frekari breytingartillögur við frumvarp til laga um sviðslistir.

Virðingarfyllt

f h Reykjavík Dance Festival

Ásgerður G. Gunnarsdóttir

Listrænn stjórnandi